





1615 no. 1
LE DIOGENE FRANCOIS.

IL semblera à plusieurs que ce n'est pas grand mystere que ie propose sur le tapy, mais vn conte de vieille, me voyant rameteuoir au iourd'huy aux François. l'histoire du bon homme Diogene, lequel, avec sa lanterne, tracassoit parmy la multitude du peuple qui estoit assemblé en la grand' place d'Athenes pour chercher ce qu'il ne trouuoit pas. Et comme il se void importuné de declarer que c'estoit, respōdit brusquement qu'il cherchoit vn homme. Non de ressemblance seulement: mais tel qu'un homme doit estre & paroistre.

Or de ceux-cy ne s'en rencontre il pas si aisément comme le vulgaire estime: car tel pense estre digne de ce nom, qui en effect se trouue à l'ombre avec les bestes, quand le Soleil est couché, & c'est ce que ce Philosopher vouloit représenter par sa recherche.

S'il a fait ce traict dans la ville d'Athenes, que l'on a estimé la Pepiniere qui a produit les plus grās esprits de la Grece, & où l'on disoit que les hōmes naissoiēt sages de Nature. Qu'est-il fait maintenant dans la France? où il se peut dire avec verité, qu'il y a plus de peuple, mais moins d'hōmes que iamais. Dieu en cela distribuāt & retirāt les graces, selon qu'il veut bien-heurer ou affliger vn Estat. Aussi voyons nous que menaçant la ville de Ierusalem, il luy fait dire par son Prophete, *Auferam à vobis validum & fortem, virum bellatorem & consiliariū.* Je retirерay du milieu de vous les aīmes genereuses: Ce que Pybrac a compris en ce quatrin,

Quant tu verras que Dieu au Ciel retire

A coup à coup les hommes vertueux,

Dis hardiment, l'orage impetueux,

Viendra bien tost esbranler c'est Empire.

326

1615

d. 2

Combien que l'homme soit le plus accompli animal de la Nature, neâtmoin il se remarque, que c'est celui à la perfection duquel elle manque le plus, & que pour vn qu'elle nous donnera heroïque, elle en produit vne infinité pleins de deffectuositez, soit de corps, soit d'esprit: De sorte qu'il faut quelquesfois des siecles entiers pour en produire vn de genereuse naissance, & de conduire pareille.

Ce n'est pas vne petite rencontre que d'un homme; Le Ture, quand il veut signifier vn grand personnage, il l'appelle *homme*; Le grand Seigneur haranguant les Bachas & Capitaines, les nomme simplement *hommes Musulmans*, tant il dône d'emphase à ce mot. L'Espagnol use de celui de *Varon*, pour dénommer vn homme de merite *nasca mi hyo Varon*, disent les Dames Espagnoles en leur souhaits, que mon fils naisse homme: Et est à noter qu'en ceste langue l'V se prononce cōme vn B, & proferent ce mot cōme nous celui de Baron, lequel anciennement ne se donnoit aux François que pour tiltre de valeur, & de fait les *Baronnies* ont pris source de là, comme estant la reecompenche des preux Cheualiers Barons, qui depuis sont tombees en succession par desordre, sans plus estre conferees à la Vertu.

Ainsi tout va en declin par l'ignorance, ou malice, ou negligēce de ceux qui sont au charges publiques, qui laissent le vesseau qui leur est commis à l'abandō des tempestes: C'est pourquoy il est vray de dire, que les Republiques tombent plustost en decadence faute d'hommes que faute de moyens & richesses: D'autant que la generosité acquiert ou conserue, & la pūilanimité ne scait conseruer ce qu'elle possède.

Si iamais la France eust besoin d'hommes, c'est au-

iourd'huy : Toutes les parties de cest Estat sont malades, la pluspart le preuoit, chacun l'aprehende en general & nul en particulier ne porte le bras pour le secourir. Considerant en moy mesme qui en pouuoit estre l'occasion, le suis denennu Diogene, l'ay trouué qu'il y a plus de barbes que d'hommes que chacun ne pensoit pour soy, & que peu preuoient, que la vray fortune du particulier doit estre enuelopee dans le bié public: Maxime que la plus grande partie de nos François ignore, & qui pour ne vouloir contribuer au salut de l'Estat, tost ou tard contribueront au malheur d'iceluy.

C'a esté le motif qui m'a fait cōduire mon Diogene dans Paris: le m'en feusse volontiers excusé, pour la crainte que i'auois que sa l'enterne ne fist prendre la cheure au Parisiens, estimât qu'il se voulust mocquer d'eux, & ramenteuoir la lanternerie de la place Royale: toutesfois il n'est pas tēps de se railler, mais de se rallier, pour la conseruation de la personne du Roy, & du Royaume. Voyons dōc ce qu'il fera, faisons luy tout voir: il sçait nostre mal, la questiō est s'il rencontrera des hommes pour y apporter le remede.

Cōmençons par le plus saint & sacré, faisons luy contempler le Corps Ecclesiastique, & sur tout ceux qui pour l'esperāce de l'Escarlate, bâaissent sur le dos de leur Roy & bié-faïcteur la grādeur d'autrui, pour faire regner temporellement par la subuersion des Monarchies, celuy qui ne doit viser qu'à vn Royaume spirituel, qui de Maximes impies en forment des articles de foy, pour induire les subjets d'attenter à la vie de leurs Princes, Maximes qui ont forgé les cousteaux de Clemēt, Barriere, Chastel & Rauillac, qui veulēt vassellarger ceste Couronne pour la mettre au ban, à la passion estrangere, qui se plaisent à la nou-

neauté de ces propositions, & qui exposent les plus salutaires Arrests de ce grand Parlemēt à la censure: Viens, Diogene, viens, es-tu *sourd-dy*, viens vistemēt, & cherche parmy ce corps quelque hōme pour defendre l'autorité de nos Roys, remberrans l'ingratitude de ceux qui veulēt reuestir autruy des despoüilles de la France, sans considerer qu'ils luy doiuent leur biens & leurs foriunes, apporte ta lanterne, voy exactemēt si tu y trouueras quelque bon deffenseur des priuileges de l'Eglise Gallicane, & qui fasse rougir de honte ceux qui retrachent les Conciles de Constance & de Basle du rang des Conciles Generaux, d'autant que par iceux ces propositions nouuelles sont absolument condamnées. Ha sainte harpe de David! qui jadis chassoit les mauuais demons, où es-tu maintenant? N'est-ce pas chose estrange que les François denient viperes pour deuorer la Mere qui les nourrist.

Au lieu de nous ressentir de ce que l'on nous a priué de la part que nous auions à la chaize de S. Pierre, au lieu, dis-ie, d'en demander raison, nous poursuivons sottemēt vne usurpatio temporelle sur les Couronnes, à laquelle nous n'aurons iamais part. Où est nostre entendement, Diogene? point d'hommes, point d'Euesques, que d'*Angers*, que de *dangers*.

Quoy, Messieurs, ne vous souuiet il plus d'auoir veu conduire en vne Bastille les principaux du Parlemēt? Acte commis par les supposts de ceste doctrine qui soustenoient auoir biē fait en violant le saint lit de Iustice: pource, disoient-ils, qu'ils estoient heretiques ou fauteurs d'heresie, ennemis de Dieu & de l'Eglise: ainsi qualifioient-ils les fideses seruiteurs du Roy autant en veut-on faire maintenant. Il n'y a autre difference sinon ce que l'on preschoit à vn peu

ple forcené contre son Prince, on le veut faire croire à sa Majesté contre son Parlement. La ligue a rendu les ignorans sages : ceux contre lesquels vous vous desbordez sont cogneuz par leur vie, actions & deportemâs pour personnes tres Catholiques : cependant on les voudroit abandonner à la fureur d'une populace imbue de ceste doctrine, qui n'a autre object que la vie de nos Roys & souleuement de leurs subjects : & partant iustemét condamnez par les Arrests de ceste Cour souueraine.

Pardonnez, Messieurs, à nostre Diogene, si se recognoissant l'une de vos ouïlles, il parle neantmoins si hardiment, non contre ses superieurs, mais de ses superieurs en l'Eglise, & contre aucuns d'iceux seulement, sçachant bien que vous n'estes tous portez au profit de ceste nouueauté, il recognoist vostre auctorité, que vous estes par la grace de Dieu Euesques, successeurs des Apostres, que tenez rang de Princes en l'Eglise selon le rang qu'il a pleu à Dieu vous donner en l'ordre Hierarchique, ayât par dessus vous les Archeuesq. & Primats, & par dessus tous le Pape chef & Primat de l'Eglise vniuerselle, qualiré qui ne peut empescher vos charges & fonctions, puis que les tenez de Dieu; Mais ce de quoy Diogene se fasche c'est de voir que ceux qui ne recognoissent qu'une puissance en l'Eglise, destruisent les vostres, bien que inferieure à icelle, sapans l'auctorité des ordinaires, pour agrandir ceste puissance à laquelle ils se sont vouëz. Ils passent outre : car delà ils se iettent sur les Couronnes, ce que nous auons experimenté plus que iamais, depuis le miserable coup de Rauillac, ne s'estât passé année qu'ils n'ayent mis en la lumiere quelque liure sur ce sujet, pour troubler le repos de la France. C'est ce qu'à peu faire le Parlemēt, de s'opposer à ce

feu: & delà pronient la haine que quelques Ecclesiastiques portent à ce Senat, ainsi qu'il a apparu en l'assemblée des Estats Generaux.

Passons à la Noblesse, voyons si elle ressemble à ces vieux Palladins Gaulois que nous lisons aux histoires auoir respādu tant de sang pour empescher la cheute de cest Estat, qui eussent plustost perdu la vie, que d'endurer aucune chose au preiudice de nos Rois, il semble que tout soit abastardy maintenant: Car ny l'exemple de nos Ancestres, ny le mespris que l'on fait de vous, ne vous eschauffe en rien le courage, tant la coyonnerie s'*Ancre* par tout.

L'apprehēde nostre perte quand ie remarque en nos ennemis plus de vertu que parmy nous, estās, sans comparaison, plus affectionnez au bien de leur Prince & de leur patrie: l'Espagne produit de fidelles seruiteurs à son Roy, ils taschent de faire leurs fortunes cōme icy, mais ce n'est iamais en trauer sant les affaires du Prince ny son Estat; Que ne les imitons nous en celā? Nous ne voyons pas en Francs des Dom-Christophle de Mora ny d'Anthoine de Prada; le premier si tost qu'il veit que le conseil d'Espagne ne se gouuernoit si prudēment qu'il faisoit durāt le regne de Philippe secōd, apres auoir remōstré que l'on quitoit le chemin qu'auoit tenu ce sage Roy, il se retira en Portugal, plustost que de voir passer en sa presence chose tant soit peu preiudiciable à la Couronne: L'autre vit content en son Iardin, contribuant seulement de conseil au faict du gouuernement, sans briguer ne posseder dignité aucune, encore qu'il ne possede que peu de biens.

Esclaire, Diogene, & voy si tu en trouueras en France beaucoup de pareils, i'ay peur au rebours que tu n'y remarque des François qui vendroient le Roy &

le public, pour vne simple esperance de pëñion : tu y
rentôtreras des gens qui y potterôt la chaise persee,
pourueu qu'ils ayent entendu leur dire *Monſieur, Mon-*
ſieur, Venez à mi ie ſaro pour vous. Mots qui ont fait plus
de coyons, quel' Oriflambe des braues Champions:
Cachez vous (diray- ie Noblesſe) cachez vous que
Diogene ne vous enuiſage, ce n'eſt pas vous qu'il
cherche, mais ſ'il vous rëcôte, il vous traittera avec
ſa chandelle, cômẽ le enfans traitent Maĩſtre Pierre
du Coignet: Ne rougiſſez vous point de honte? Ne
reconoĩſtrez vous iamais la baſſeſſe de vos ames?
quittez l'eſpee, prenez l'eſcritoire, l'on vous fournira
de papier & d'*Ancre* pour deſcrire vos laſchetes.
Quelle pitié de voir vne Nobleſſe valleter vn hom-
me qui ne vaut ny pour la guerre ny pour le Conſeil?
qui à cauſe de ſes demerites ne s'oſe preſenter au
Parlement pour ſe faire receuoir en ſa charge prete-
duë, qui abbaye apres les biens des meilleures famil-
les du Royaume pour eſleuer ſa pietre parenté & cel-
le de ſa femme en Italie, qui a englouty les threſors
du feu Roy, qui vous morgue en luy aidant à eſtablir
ſa fortune, Il a bieu raiſon de vous appeller Coyons,
avec noſtre argent, il vous a depouĩlles de vos Eſtats,
places & gouuernemens. enſemble de vos honneurs,
il fait des pensionnaires dãs tous les corps de Juſtice
pour auctorifer ſes iniuſtices, il pratique des Partisãs
avec lesquels il s'entend pour rançonner le peuple.
Qui du massacre de la Nobleſſe projeste le rauiffe-
ment de leurs charges, qui mettra les Officiers à la
mercy des Aſſasins pour en auoir les deſpoũlles.
Que diray- ie plus, qui offre à ſa fille en mariage plus
que le Roy d'Eſpagne ne dône à l'Infante, ny le Roy
à Madame ſa ſœur. Cachez vous Diogene deſeſperé
qu'il faille qu'un homme Eccleſiaſtique vous mette

la valeur deuât ses yeux. Ie ne parle point des Grâds ny des Pairs. Non ce n'est point d'eux que ie parle, mais seulement de ce Flâque qui desseigne vne allia-
ce laquelle ruinerâ l'Estat : Ie ne parle, dis-je, de ce que ie vois & preuois. S'il y a quelque chose de caché es cœurs de telles ames. Il m'est deffendu de donner plus auant, y pense qui voudra. Mais ie croy que c'est la raison pourquoy l'Effigie du feu Roy qui est sur le Pont-neuf, tourne le dos au Louure pour ne voir ce qui s'y passé.

Hé bien Diogene, iras-tu aux hostels de ceux qui vident leurs logis d'honneur pour les réplir de pistoles & de vitupere à la posterité. Où es-tu grand Fabius, & toy Cincinatus que l'ennemay du peuple Romain ne sceut iamais vincre par presens? ny l'ambition rien gagner sur vostre paupreté. O ames diuines que diriez vous de voir nos François si mannia-
bles au son de l'argent? Ne vous corrigerez vous iamais de ce deffaut si ferez. Vn de nos Princes a faict vne acte si vertueux, qu'il seruira d'exemple aux autres. Exemple, dis-je, rare, & d'autant plus recommandable que durât cest ardeur d'auarice qui regne, il n'a nō plus voulu toucher à la beauté de quatre cēs mil Escus que l'ō luy offroit pour son gouuernemēt, que ce braue Alexandre à certe de la femme de Darius. Surgeon de la maison d'Orleans, branche entee en la famille de nos Roys, le Ciel te benisse & fasse croistre en perfe&tiō. Car qu'en doit esperer la France en sa maturité si en sa premiere adolescēce il a desia rendu tant de tesmoignage de sa generosité. Ha! que Diogene souhaite au Royaume pour ses Estreines beaucoup de personnages de pareille vertu.

Que dis-tu, Diogene, prendras-tu la hardiesse d'entrer dans le Louure pour y cōsiderer la personne sa-
cree

9
erée de nostre Roy. Je sçay que tu diras, car tu es bñ
François, qu'il semble que l'ō desire plutoſt qu'il ſoit
long temps enfant, que bien toſt hōme; Il faut que
ceſte liberté eſchappe à Diogēne, d'autāt qu'il eſt du
naturel des Dames, qui apprehendent en Mariage la
rencontre des Maris, qui ne ſont vrayement hōmes.
Il voudroit que ſa Majelté dementiſt ſon à aage, à
quoy vne genereuſe nourriture luy ſeroit vn grand
auantage, ayant deſia la nature bonne pour luy.

L'Empereur Charles Quint, eut ceſt heur, que
dès l'aage de quatorze ans on l'occupoit dans les af-
faires, on le faiſoit aſſiſter au Cōſeil, non pour y cō-
mettre des actes d'enfantillage mais pour y eſcouter
les propositions & reſolutions des affaires, on ou-
uroit & liſoit on deuant luy les paquets des Princes
eſtrangers, on luy mōſtroit les dépeſches ſur iceux,
on traittoit en ſa preſence de toutes ſortes de maxi-
mes importantes au gouvernement, & pour luy eſ-
guifer l'eſprit & le courage, on luy ramēteuoit à tou-
te heure les ennemis de la maiſō de Bourgogne, avec
vn deſir violēt de s'en vanger: De fait il l'a bien mō-
ſtré, & la France la bien eſprouuē à ſon mal-heur,
que on l'auoit fait hōme. C'eſt ainſi le chemin qu'il
faut tenir pour le deuenir, nul n'a tant beſoin de l'e-
ſtré, que les Roys: Helas! que c'eſt vne grande mi-
ſere quand il faut chercher des Princes en plain iour;
Cela eſt excuſable pour le commun, mais le ſang
Royal, doit cōme vn Soleil, eſclairer des ſon Leuant,
& donner dès le matin des Rayons de vertu ſur ſes
ſubiects.

La Mere des deux Gracchus Romains, diſoit que
la bonne nourriture eſtoit vne double naiſſance aux
Enfans. C'eſt enuers les Princes, que ceſte ſentence
ſe doit plus axactemēt prātiquer. L'on doit à l'enuy

travailler à fortifier leurs esprits. C'est de que Diogene & le Caton François remarquent estre plus nécessaire à sa Maïesté. Luy & le Royaume ont besoin de le voir bien tost hōme, si bien tost ne voulōs souffrir vn grand Ecclypse dans l'Estar. Mais quoy ? au lieu de remedier à ce mal, on tasche à rendre criminels de leze Majesté ceux qui descouurent le pot aux Roses.

A la Cour, Diogene, il ne faut pas tout dire, ie ne te cōseille pas d'y estre plus longuement, il te faut faire vn tour dans le tiērs Estat, tu y pourras trouver des hommes au moins tu y oras prou discourir du bien public, tu y remarqueras beaucoup plus de Cicerons que de Catons, à bien faire il ne faut point tant de discours, ny faire servir la balance de Iuce, de rrébuchet à peser l'Or, ny faire des reglemens de Police, non à dessein de soulager le peuple, mais pour tirer argent des Mestiers, & faire venir des prouisiōs & fournitures de mēnage, aux hostels des Magistrats. Diogene, mō amy, ie crains que tu les trouue aussi corrompus que les autres, & tout *de mēme*, tout *de Mēme*, Bourgeois, Officiers, Marchands, Ouuriers, Laboureurs, trompent cōme les autres, & tout *de mēme* tāt le desordre regne par tout.

La police des Huguenots est elle plus saine ? il y a autant de māgerie parmy eux que parmy nous : Dieu nous vuēlle tous amender, il n'y a gueres plus de biē à la Rochelle qu'à Roūen, la belle ville que Lyon le *Rosney* passe, qui est encore capable de seruir le Roy, aussi bien que Grenoble, qui ne le *Desdit gaire*. Ce qu'ils ont de bon plus que nous, c'est que l'on ne craint point qu'ils se rendent Espagnols, on sçait qu'ils sont fermes François : du reste, les Iesuittes se plaignent fort & ferme de ce qu'ils ne les peuuent cō-

uertir, & que la Caballe Huguenotte deuiét aussi politique, que la leur, & sont contraincts de faire *Binet*.

Ne t'amuse point d'auantage parmy eux, Diogene, fais vn tour dans le Parlement, mais ne ressemble pas à ce Vuallon qui brusloit de veoir le Marechal de Biron lors qu'il passa en Flandres, ce païsan party de sa maisõ pour aller à Bruxelles où si tost qu'il eust enuísagé le Marechal & quelques autres, il fit *Gilles* cõme l'õ dit, & s'en *reuint*. Il ne faut pas icy faire de *Mesme*, il faut tout contempler, tu y trouueras des hommes, mais peu à la verité. O quel malheur! anciennement c'estoit l'Asyle des Princes & peuples estrangers, où l'on accouroit de tous endroits, cõme à l'Oracle d'Apollon en Delphe, pour y auoir du soulagement & resolution aux affaires importantes. Où l'on remarquoit, qu'autant de Conseillers estoient autãt de demy Dieux, Pourquoy ne voyõs-nous plus celà? Qu'estes-vous deuenuës Ames Diuines! helas! *au Polestes, au Polestes*, vous detestez-delà haut la venalité de nostre Iustice, Cela cause que ne daignez plus auoir soin du lieu où vous l'auiez autrefois exercée avec tant de dignité & de preud'homme. Cherche, Diogene, dans ce sacré Senat, tute contempleras anatomisé de factions diuerses. Ce n'est plus vn corps entier & vigoureux, la Cangrene de penñõs le mäge tous les iours. Ce n'est plus le Tuteur de nos Roys: Pour le moins s'il a la volonté d'en conseruer le tiltre, il ressemble aux corps alangouris & mourãs, à qui la force manque d'executer leurs fonctions. Représ cœur, tu seras SE-CONDE. Ne vois-tu pas que l'on veut faire croire que tu n'es plus capable de cognoistre les affaires d'Estat, que l'on te veut arracher poil à poil cõme la queue du cheual: Reconnois tes fautes, reünny-toy pour secourir ton Roy: Prends pitié.

de son basaage, à fin que l'on puisse dire nous auons encore des homes. Il y en a & y en auroit encore d'auantage si l'honneur ne coustoit si cher. Voila pourquoy l'on ne vous veoit plus ça bas, Ames Diuines, *au Poles.* O auarice que tu as faict vne playe mortelle dans l'Estat! Ainsi l'antique Rome se perdit si tost quel'argent trouua entree aux charges. Que deuons-nous craindre aujourd'huy? hélas! nostre mal seroit en quelque façons supportable si l'on pouuoit longuement viuoter dans ce desordre: Mais il faut que ce mal nous tuë, ou que nous le tuyons, c'est la verité, quelques raisons specieuses que l'on propose au contraire: Dessillons nous les yeux, chassons les humeurs cacochymes qui atrophie ce Royaume, D'où procedēt les brauades qu'auuez receu, Messieurs, sinō de ce que l'on vous cognoist diuisez & gagnables? Ce n'est pas ain si qu'il se faur monstrier homes Sacré Senat resouds-toy à bien faire, & tu seras *se-Condé.* Madril prenoit biē qu'il n'y a plus d'homes en Frâce, C'est pourquoy la prudence Espagnolle trouue qu'il fait bon traicter d'alliance avec nous. Plus vne beste est niaise, plus on la mēne paistre aisément. La Minorité est vn aage d'or pour l'ēnemy, & vn siecle de fer pour les subiects. Adioutez à cela la verité: Car en Frâce tout est a vendre, & si Dieu n'a pitié de ce Royaume, i'ay crainte qu'vn de ces matins l'on ne voye vn escriteau de Palais à vendre à la grand' porte du Louure. Le Ciel puisse tousiours cōseruer nosteroy, pour en detourner le malheur. Mais Diogene crie tout haut cōme le Paralitique, que la Frâce n'a point d'homes pour la porter en la Piscine, à fin de la guerir. He quoy! la laisserons nous mourir? Les Prelats n'en auront ils point pitié? Ne sera-elle pas assistee des Grands, des Officiers, & des *Pairs, non,* Ha pauue

Estat qui n'as plus d'hômes! Tascherôs au moins de le deuenir. C'est le plus bel animal que Dieu ait crée, Il se plaist à le cōtēpler cōme vn Chef-d'œuvre admirable. Et l'hōme mesme sert d'admiration à l'hōme, quand il est vertueux. Il n'est celuy si lasche qui ne sēte escauffer son Ame au recit des gestes valeureux de nos vieux Gaulois. Nous en sommes iussus, Frāçois, si nous ne les pouuons imiter en conquestes, imitōs les à deffendre ce qu'ils nous ont laissé. Ne cōsentōs par fetardise à la dissipatiō de cest Estat. La gloire que nous en laisserons à nos enfans sera plus riche que l'amas des pistolles. Ceux qui sont descēdus de ce brave Comte de Dunois ont plus d'allegresse en escoutāt racōter les proesses que ce Generex Prince a fait chassant les ennemis de ce Royaume, qu'ils n'ont de plaisir auiourd'huy à posseder sa succession.

Scachez, Frāçois, que quiconque est verueux laisse ordinairement biens & hōneurs à ses enfans: Car qui a de la vertu, a du credit, qui du credit de l'autorité, & qui sçait paruenir à ce degré ne manque de posseder ce qui est necessaire à la grandeur d'un hōme de courage. Il est vray que ce chemin est plus lōg pour s'enrichir que l'autre, mais en recompense il est plus glorieux & durable.

Si nous tenions ceste voye l'ennemy nous redouteroit, le biē public prospereroit, nostre renōmee fleuriroit. Les petits n'auroient la hardiesse d'enjamber sur les Grands pour les depouiller. Hé, qui les rend ainsi temeraires? C'est qu'ils croyent que les Frāçois ne sont plus hōmes. Ce mesme defaut fait que les fēmes gourmandent leurs maris: Et voyla cōme la Frāce est déchirée en tous les mēbres. Ce plat pais m'agē par des party sans, d'imposts, & de sel, Ne serōs nous jamais desfiliez en deux façons: les prouinces seront

elles tousiours pigeonnees & reduites à tel point de malheur que l'on ne veoit tãtoſt plus dãs le Royaume de village ny de *Bour-bon*. C'est vne ſeconde raiſon pourquoy l'ennemy deſire noſtre alliance.

Té voila bien eſtonné, Diogene, que ſeras-tu ne te deſeſpere pas encore, poſſible que tu trouueras des hōmes aux Auguſtins, s'il en reſte en Frãce ils doiuent eſtre là dedãs: s'il y a de l'eſperance au mal qui nous poſſede c'eſt delà que nous le deuōs attendre: Il n'eſt pas croyable que ils ſe faſſent appeller coigneſtus, s'ils le font, le peuple en ſçaura biẽ dire ſa ratelee, il en murmure deſia aſſez. C'eſt en ce Sacré lieu qu'il faut parler vieux Gaulois, ce n'eſt pas tout de ſe moquer d'un eſtrãger qui jargōne mauuais François, il le faut reprẽdre, & prudẽment ſe garder des fauſſes-trappes de Caſtille: Il y a lōg tẽps que l'Eſpagnol fait l'amour à la Frãce, Il *brule ard*, & petille de l'engloutir, helas! qu'il a beau jeu, Ne vous eſmerueillez pas, *ſlery* luy plaît, non ce n'eſt ſans ſujet *s'ilrir*: & rira voyãt la ri-che phiſionomie de ce beau Cheualier à la grand' Croix; il cognoiſtra bien par là que nous auons peu d'hōmes: Il remarque nos diuiſions & mauuais ménage, il jette là deſſus les fondmens de ſa future grãdeur, il pretẽd part au bris du vaiſſeau: Nous ne preuoyōs rien, quãd il nous aura attrappez & embrouïllez en guerre ciuille, helas François! que nous ſerōs *lanins*, cōme l'ō dit en badaudois, que no^r ſerōs *lanins*

Tolle Dole, crioient les Iuiſ, mais les Menuſiers diſent, qu'il n'y a bois ſi noüeux, qu'un bon rabot ne rende poli & *Dolé*, ny mal ſi grãd à quoy vn cœur genereux ne remedie, Rendons iuſtice à nous mẽſmes, Seruons fidellement le Roy. L'on n'eſt point blaſmé d'eſtablir ſa fortune pres de ſa Maieſté, pourueu que ce ſoit par recompences de bons ſeruices: Il faut aimer Alexandre, non pour ſes liberalitez ſeulement,

ains pour les vertus, Nature & la Loy nous oblige à ce deuoir, Diogene recognoist les bons seruiteurs, quand il voit que leur interest particulier ne marche deuant celui de leurs maistres.

Et toutesfois la venalite qui regne parmy nous: que l'on s'enqueste tant que l'on voudra, l'on ne scauroit remarquer vn si sale trafic en toute l'Europe, scauoir mon, si les honneurs, les Gouuernemens des Provinces & des places se vendent en Espagne? ce seroit vn crime de l'auoir seulement pèse; En France, c'est habiller de les maquignonner, & gloire de les emporter par telles voyes, ce qui aliene la naturelle obligation que le suiet doit à ses Princes, en ce qu'il n'estime l'establissement de sa fortune, que du fond de sa bource.

Recognoissons donc nostre mal, ne recullons plus à nous montrer homes, il semble que la beauté du non Masculin soit Hermaphroditise parmy nous, aussi ne parle on plus male aujourdhuy, l'on dit Soleil pour Soleil, chouse pour chose, Courton pour Coron, tant nos Courtisans parlent molemet François, & de fait nous voyons que le Royaume de Conchin, aux Indes Orientales, est devenu femelle en France par metamorphose coyonnelesque tant on se plaist à la nouveauté, & à voir des Auorrons morguer les plus hupet de cest Estat.

L'Asne du Cōmun, dirle prouerbe, est tousiours mal basté, chacun se repose sur la vigilance de son voisin, pour racourter son bas: C'est ce que representoit vne Mennihere à son Mary, la chalandise du quel estoit fort enuiee, Mon amy, luy disoit-elle, ne redoutez nullement la caïolierie des François, ils ne vous feront nul desplaisir, ils s'atenderont tous les vns aux autres pour le faire.

Ainsi le Roy & le public est seruy, ainsi le mal se glisse. J'ay crainte que nostre infortune ne resseble à ce-

lui des Pôts & digues mal entretenus, où l'on remarque tâtost la cheute d'une pierre, tâtost vne liaisō s'entretrouuir, tantost vne arche se desmētir, les passans disent biē ces digues se ruinet: cepēdāt l'on negligē d'y traualler, puis vne nuict ameine vn rauage d'eau ou desgorgemēt de Mer qui emporte tout & submerge le pais. C'est ce qu'il nous faut aprehender, les menaces de la ruine del' Estat sont apparentes, il est aysé d'y remedier en mettant l'interēst particulier sous le pied, si nous le faisons la Digue creuera, & nous trouuerons inondez dans le deluge general. N'est-ce pas chose deplorable, il n'y a que quatre. ans que ceste Courōne estoit florissante, redoutee, pleine de grans thresors: paisible: au iourd'huy elle est pauvre, endetee desnuee d'argēt à l'emprūt, pleine de factiōs, & preste à s'ē aller par lābeaux. Ne cōnuions plus, si nous arēdons à l'extremité à decouurir le mal, l'on ne nous en scaura point de gré. Je le scay bien des hier. Diogene, *Vie le Roy*, n'attendōs à le secourir lors qu'il n'y aura plus de remede, Tous les beaux esprits de la Frāce sōt assemblez pour y auiser à bien faire, il ne faut point tant d'artifice, qu'ils ioignent seulement la prud'hōmie avec l'habileté, tout ira biē, qu'ils y apportēt vne prudēce sans malice, c'est la drogue qui nous dōnera la guarison. Helas qu'elle est rare ! elle ne se rencōtre que dans les ames vrayemēt massles, telle les cherche, Diogene, Dieu luy face la grace d'ē trouuer, afin qu'il puisse dire tout haut, que la Frāce à encore des hōmes pour la secourir & empescher son déclin. Trauaillons y à l'enuy. Quiconque fera bien sera se-Condē.

LA FRANCE SOVS LE NOM DE CATIN.

*Miserable siecle ou nous sommes,
Se disoit Alix à Catin,
Si i'en ay du lait au tetin
Ce defaut me vient faute d'hommes.*